




Leiðandi
vettvangur í tíu ár



MÁLSTOFUR



SJÁVARÚTVEGS
RÁÐSTEFNAN



Sjávarútvegsráðstefnan 2019

Sjávarútvegsráðstefnan verður haldin í Hörpu dagana 7. og 8. nóvember.

Tilgangurinn með ráðstefnunni er fyrst og fremst að stuðla að farsælli þróun íslensks sjávarútvegs á hlutlausan og uppbyggjandi hátt. Sjávarútvegsráðstefnan stuðlar að faglegri og fræðandi umfjöllun um sjávarútveg og er vettvangur fyrir samskipti allra þeirra sem koma að greininni.

Sjávarútvegsráðstefnan 10 ára

Sjávarútvegsráðstefnan 2019 er tíunda ráðstefna vettvangsins og við erum stolt að hafa náð þessum áfanga. Í tilefni afmælisins verður ráðstefnan með veglegasta móti, málstofur hafa aldrei verið fleiri og vonumst við til að allir finni eitthvað við sitt hæfi.

Fleiri taka þátt í skipulagningu

Á fyrstu ráðstefnum Sjávarútvegsráðstefnunnar var það stjórn félagsins sem skipulagði málstofur. Nú á síðustu árum hafa fleiri tekið þátt í skipulagningunni og er von okkar þannig verði efnisval fjölbreyttara.

Málstofur

Að þessu sinni verða málstofurnar tæplega tuttugu í þremur ráðstefnusölum. Í byrjun september verður dagskrá birt með heiti allra erinda og fyrirlesurum. Jafnframt verða fleiri viðburðir kynntir í haust. Hér á eftir er stutt lýsing á sextán málstofum ásamt umsjónarfólki þeirra.

Sjávarútvegsráðstefnan 2010–2018 – samantekt

- Um 100 málstofur, flestar um markaðsmál
- Rúmlega 450 erindi
- Um 350 einstaklingar hafa flutt erindi
- Um 82% fyrirlesara aðeins einu sinni með erindi
- Konur um 22% fyrirlesara – nokkuð sem þarf að bæta
- Konur rúmlega 50% málstofustjóra
- Skráðir þátttakendur 700–800 á síðustu árum
- Í stjórn félagsins hafa setið 35 manns



Hrifa Óhásið



Íslenskur sjávarútvegur – Hvar verðum við eftir 20 ár?

Umsjónarmaður: Sturlaugur Sturlaugsson, Fjölsmiðjan

Farið er yfir stöðu sjávarútvegs og hvernig hann mun hugsanlega þróast á næstu 20 árum. Í því samhengi má benda á að hátæknifyrirtækið Valka var t.d. ekki til fyrir 20 árum. Hvað þarf til af hálfu hagsmunaaðila og þar með opinberra aðila til að beina þróuninni í jákvæðan farveg með tilliti til afkomu sjávarútvegs, samkeppnishæfni, útflutningstekna og hagsældar þjóðarinnar. Íslenskur sjávarútvegur hefur verið til fyrirmyndar í alþjóðlegu samhengi. Hvernig getum við viðhaldið þeirri stöðu eða styrkt? Horft verður á væntanlega þróun hjá íslenskum sjávarútvegsfyrirtækjum, þjónustuiðnaðinum og stjórnun auðlindanna.



Rannsóknir og þróun í sjávarútvegi, mikilvægt fyrir land og þjóð

Umsjónarmaður: Hólmfríður Sveinsdóttir, Genís

Í málstofunni verður fjallað um mikilvægi rannsókna og þróunar í sjávarútvegi fyrir framþróun í greininni, sjálfbærni veiðistofna og samfélagið. Þar mun greinin sjálf og vísindamenn setja fram hugmyndir sínar um hver væru næstu skref í rannsóknum og þróun innan sjávarútvegsins, bæði hvað varðar vistkerfi hafsins en einnig veiðar og vinnslu. Fjallað verður um hlutverk sjávarútvegsins í nýsköpun á Íslandi og hvaða máli haftengd nýsköpun skiptir fyrir land og þjóð. Einnig verða styrkjamöguleikar til rannsókna á sviði sjávarútvegs á Íslandi ræddir og hvort við séum á réttri leið í þeim efnum.



Vill sjávarútvegurinn vera VIRKUR þátttakandi í rannsóknum á lífríki hafsins?

Umsjónarmaður: Freydís Vigfúsdóttir, Háskóli Íslands

Undanfarin ár hefur þróunin verið sú í nágrannalöndum okkar að samtök sjávarútvegsfyrirtækja hafa orðið virkir þátttakendur í rannsóknum á auðlindum hafsins. Þessi samtök hafa ráðið vísindafólk, þróað sínar eigin rannsóknir og framkvæmt, stundum í samvinnu við háskóla eða vísindastofnanir. Kosturinn við að útvegurinn sé virkur þátttakandi er að fjölbreyttari hópur spyr fjölbreyttari rannsóknaspurninga sem leiða til áhugaverðari rannsókna og fjölbreyttari þekkingar. Önnur ástæða er sú að fiskiskipin eru mörg og þau eru meirihluta ársins á sjó. Þar er einstakt tækifæri til gagnasöfnunar sem er grundvöllur rannsókna á lífríki hafsins. Í þriðja lagi leiða framfarir í úrvinnslu rafrænna gagna til þess að mögulegt er að nýta gögnin til rannsókna. Þar má nefna umhverfismælingar frá trollmælum og siritum og bergmálsgögn. Sjávarútvegurinn og rannsóknasamfélagið hafa sama markmiðið sem er sjálfbær nýting á sjávarauðlindum núna og um ókomna framtíð. Af hverju ætti sjávarútvegurinn ekki að vera VIRKUR þátttakandi í rannsóknum á lífríki hafsins?



Los í fiski er mannanna verk

Umsjónarmaður: Margrét Geirsdóttir, Mátis

Farið er yfir meðhöndlun á hráefni við veiðar, flutning og í vinnslu. Mikilvægi kælingar til að lágmarka los og annarra þátta er valda gæðarýrnun. Farið er yfir hefðbundnar og nýjar aðferðir við kælingu á hráefni og afurðum. Flutningur getur valdið skemmdum á hráefni og verður fjallað um leiðir til að lágmarka skemmdir á hráefni og afurð. Við handflökun er hægt að halda losi í lágmarki en við aukna vélvæðingu stöndum við fyrir ýmsum áskorunum með tilliti til losmyndunar í afurð. Farið er yfir hvað er hægt að gera til að gera fiskinn hæfari fyrir vinnslu í vélum.





Í upphafi skyldi endinn skoða – Er til markaður fyrir nýjar hugmyndir?

Umsjónarmaður: Magnús Valgeir Gíslason, Margildi

Eitt af fyrstu skrefum í nýsköpun ætti að vera gagnrýnin spurning sem snýr að markaðsmöguleikum hugmyndarinnar. Hvort markaður sé til staðar fyrir fyrirhugaða vöru og hvaða hindranir kunni að vera við markaðssetningu á vörunni, áður en farið er í frekari vöruþróun. Það er því mikilvægt að í upphafi skuli endinn skoðaður í allri nýsköpun. Frumkvöðlar munu segja frá sinni reynslu að koma nýrri vöru á markað og þeim hindrunum og tækifærum sem þeir hafa staðið frammi fyrir.



Framtíðin er núna

Umsjónarmaður: Bjarni Eiríksson, Marel

Samfélag og atvinnulíf okkar hefur undirgengist hraðar breytingar á undanförunum árum sem hafa verið drifnar áfram af tækniþróun. Frekari breytinga er að vænta, sérstaklega þegar litið er til upplýsingatækni. Málstofan fjallar um hvernig fyrirtæki í sjávarútvegi hafa byggt upp hæfni til að þjónusta sífellt kröfuharðari viðskiptavinum og hvernig þau eru að undirbúa sig undir áframhaldandi þróun sem talin mun hafa áhrif á vinnslu og sölu sjávarafurða.



Kynningar þjónustuaðila sjávarútvegs (kostaðar kynningar)

Umsjónarmaður: Valdimar Ingi Gunnarsson, Sjávarútvegsráðstefnan

Markmiðið er að gefa þjónustuaðilum sjávarútvegs möguleika á að kynna vörur og þjónustu sem fyrirhugað er að markaðssetja eða er núlega byrjað að selja. Hér er um kostaðar kynningar að ræða og ekki er verið að kynna fyrirtækið eða almennar vörur eða þjónustu sem það býður upp á. Vonast er til að kynning á nýjungum í sjávarútvegi auðveldi ákvörðunartöku í rekstri sjávarútvegsfyrirtækja.



Menntun í sjávarútvegi á Íslandi og alþjóðlegu samhengi

Umsjónarmaður: Freydis Vigfúsdóttir, Háskóli Íslands

Menntun er grunnforsenda framgangs og þróunar í sjávarútvegi, hvort sem litið er til verkgreina, grunnrannsóknna, tækniþróunar eða stjórnunarstöðu. Á Íslandi hefur nám í sjávarútvegi verið lengi í boði s.s. í sjómannaskólanum, iðngreinum, sjávarútvegstengdu námi á framhalds- og háskólastigi. Námi þessu hefur þó verið misvel sinnt, m.a. vegna skort á fjármögnun. Í þessari málstofu verður gefið yfirlit yfir nám sem er í boði á Íslandi og hugmyndir settar fram um framtíðarsýn í samræmi við þarfir atvinnugreinarinnar og stefnu stjórnvalda. Gefið verður sérstakt yfirlit yfir alþjóðlegt nám í sjávarútvegi í boði á Íslandi sem útflutning á þekkingu sem myndar tengslanet, eykur eftirspurn á vöru og þjónustu og er jafnframt framlag Íslands til alþjóðasamfélagsins.





Shared fisheries, challenges and solutions to sustainability

Chair: Gísli Gíslason, MSC

Sustainable fishing should be today's normative practice. FAO estimate that at least 30% of current global fishing practice is overexploitation. The root of the problem is complex. Among the factors are; overinvestment, illegal and unregulated fishing activities, lack of management objectives, nationally and internationally and lack of agreement of quota allocation between fishing states. The objective of this seminar is to present the challenges in the international fisheries, including overview of current international regulation, status of agreements of shared stock in Iceland and what improvements may be needed to put international fisheries of shared stock on a sustainable level.



Remote electronic monitoring in fisheries

Chair: Jónas R. Viðarsson, Matís

Remote electronic monitoring (REM), including camera surveillance, is currently being debated as a potentially effective technology to assist with monitoring, control and surveillance in the fishing industry. This alternative is by many thought to be a cost efficient, practical and applicable solution to facilitate full catch accountability, improve data gathering for fisheries management and lead to reduction of discards. Others are however of the opinion that electronic monitoring of this kind is too expensive and unnecessarily invasive towards privacy of fishermen. The aim of this session is to introduce current state-of-the-art in REM and to discuss potential implementation in a Nordic context.



Umbúðir fyrir ferskt sjávarfang – sjálfbærni og varðveisla gæða

Umsjónarmaður: Sigurjón Arason, Matís

Ábyrg notkun umbúða fyrir ferskar fiskafurðir er mikilvægt hagsmunamál fyrir íslenskan sjávarútveg en vægi ferskra sjávarafurða í útflutningi hefur aukist mikið á undanförunum árum. Meiri kröfur eru almennt gerðar til einangrunar og styrks ferskfiskumbúða en umbúða fyrir aðrar sjávarafurðir vegna þess hve viðkvæm vara ferskur fiskur er og flutningskeðjan flókin og krefjandi. Ábyrga notkun umbúðanna má tengja við fjölmarga þætti: varðveislu fiskgæða, efnisval og matvælaöryggi, hönnun, framleiðslu, öryggi starfsmanna, hagkvæmni í flutningum, endurnotkun/vinnslu umbúðanna, og annað sem getur valdið umhverfisáhrifum. Í þessari málstofu verður farið yfir þróun síðastliðinna ára á ferskfiskpakkningum, bæði fyrir heilan fisk og flök/flakabita. Framleiðendur og söluaðilar ferskfiskpakkninga gera grein fyrir hvernig þeir svara vaxandi kalli neytenda eftir minna umhverfisálagi pakkninga án þess að fórna gæðum.



Íslenskur fiskur í erlendum netverslunum

Umsjónarmaður: Haukur Ómarsson, Landsbankinn

Neysluhegðun er að breytast. Fólk kaupir í auknum mæli matvörur á netinu og vörumerki og markaðssetning skipta þar með jafnvel enn meira máli en áður. Íslensk sjávarútvegsfyrirtæki hafa lengi stefnt að því að auka framlegð af aflanum og koma fisknum milliliðalaust til verzlana/neytenda. En hvernig hefur það gengið og hvaða aðferðum er best að beita? Hvernig geta sjávarútvegsfyrirtæki komið fiski og fiskafurðum beint til neytanda og aukið framlegð sína?





Orkunotkun og orkugjafar í sjávarútvegi

Umsjónarmaður: Benedikt Sigurðsson, SFS

Olíunotkun í sjávarútvegi hefur dregist saman á undanförunum árum og halda mun áfram að draga úr henni án þess að það hafi áhrif á veitt magn og útflutningsverðmæti. Margt hefur drifið þessa þróun áfram, ekki síst tækniframfarir. Farið verður yfir hvað hefur áunnist; hvernig og hvar er hægt að spara orku, er rafmagnið lausnin og mun krafa neytenda knýja á um minni orkunotkun við framleiðslu matvæla.



Skiptir uppruni máli?

Umsjónarmaður: Björgvin Björgvinsson, Íslandsstofa

Sjávarafurðir hafa verið mikilvægasta útflutningsafurð Íslendinga svo lengi sem elstu menn muna. Vita neytendur úti í hinum stóra heimi hvort fiskurinn á disk þeirra komi frá Íslandi? Skiptir uppruni vörunnar neytandann máli? Hvernig birtist íslenskur fiskur neytendum á mikilvægustu mörkuðum okkar? Hvaða tækifæri eru fólgin í því að vera með sterka upprunatengingu? Í þessari málstofu fáum við að heyra árangur Alaska varðandi upprunamerki fyrir sjávarafurðir og sjáum nýjar niðurstöður úr neytendakönnun um íslenskan fisk á helstu útflutningsmörkuðum. Þá heyrum við einnig reynslusögur frá erlendum aðilum sem vilja tengja við Ísland og segja söguna af íslenska fiskinum.



Kynning á nemendaverkefnum úr sjávarútvegstengdu námi

Umsjónarmaður: Guðrún Arndís Jónsdóttir, Sjávarútvegsmiðstöð HA

Markmiðið er að miðla upplýsingum, þekkingu og auka samskipti og samstarf á milli menntastofnanna og sjávarútvegs. Í málstofunni gefst nemendum tækifæri að kynna sjávarútvegstengd meistara- og doktorsverkefni og önnur áhugaverð nemendaverkefni í háskólum og framhaldsskólum fyrir forsvarsmönnum í sjávarútvegi og öðrum áhugasömum. Kynningarnar munu gefa gott yfirlit yfir helstu sjávarútvegstengdar rannsóknir sem unnið er að í háskólum og framhaldsskólum.



Umhverfissvænar togveiðar

Umsjónarmaður: Atli Már Jósafatsson, Pólar toghlerar

Horft til framtíðar þar sem bylting verður í flæði rauntíma upplýsinga frá veiðarfæri til skipstjórnenda og úrvinnslu upplýsinganna. Umhverfi veiðarfærisins og veiðarfærið sjálft verður sýnilegt með betri sönarmyndum og myndavélum staðsettum í veiðarfæri. Í framtíðinni munu skipstjórnendur geta staðsett trollið í bestu stöðu í sjónum með stýranlegum toghlerum og veitt þær tegundir sem aflaheimildir segja til um og forðast aðrar tegundir. Einnig verður hægt að greina og skilja út tegundir sem ekki er sóst eftir jafnóðum.



SJÁVARÚTVEGS
RÁÐSTEFNAN



SJÁVARÚTVEGS
RÁÐSTEFNAN